

SCRIPT OF EVENING GOJRI NEWS BULLETIN

3 MAR 2025

1700 HRS

اوننگ گوجری نیوز بولیٹن 3 مارچ 2025

یوہ آکاشوانی جموں ہے عبیدالرحمان تیں نصرت تیں خبر سُنو۔

HEADLINES

- ۱۔ وزیر اعظم نریندر مودی نے اج گجرات مانہ قومی بورڈ برائے جنگلاتی حیات غی ۷ ویں میٹنگی سدارت کی ہے۔
- ۲۔ لیفٹیننٹ گورنر منوج سنہا نے قانون ساز اسمبلی مانہ اپنا خطاب غے دوران کہیو ہے کہ سرکار جموں کشمیر نانہ ریاستی درجو دین غی وعدہ بند ہے تے سرکار پنچایت تے مقامی باڈی گا انتخابات وقت ور کران غو عزم وی رکھے۔
- ۳۔ قانون ساز اسمبلی غا سپیکر عبدالرحیم راتھر نے ممبر قانون ساز مبارک گل محمد یوسف تارے گامی تے سوچیت سنگھ سلاتھیہ غا نام بجٹ اجلاس گا چئیر مین وستے نامزد کیا ہیں۔
- ۴۔ قانون ساز اسمبلی غا سپیکر نے بھارت غا سابقہ وزیر اعظم تے دیگر شخصیات غی حالیہ عرصہ مانہ ہوئی وفات ور خراج عقیدت پیش کیو ہے۔
- ۵۔ ضلع پونچھ غے اندر پاکستان نضاد ۳ دہشت گردان غی جائیداد ضبط کرلی گئی ہے۔

PM WILDLIFE

وزیر اعظم نریندر مودی نے اج ضلع جوناگڑھ غا ساسن گیر مانہ اج جنگلاتی حیات غا تحفظ غا عالمی تہاڑہ غا موقعہ ور قومی بورڈ برائے جنگلاتی حیات غی ۷ ویں میٹنگ غی سدارت کی۔ میٹنگ غے دوران ماحولیات غا وزیر بوپیندر یادو بکھ بکھ ریاستاں غا ممبر غیر سرکاری تنظیمان گا نمائیندان جنگلاتی حیات گا وادڑن تے بکھ بکھ ریاستاں گا سیکرٹری وی شامل رہیا اس بورڈ میٹنگ غے دوران جنگلاتی حیات متعلق بکھ بکھ موضوعات ور تبادلہ خیال کیو گیو آکاشوانی غا نمائیندہ نے خبر دتی ہے کہ اس میٹنگ غے دوران ویڈیو کانفرنس غے ذریعے وزیر اعظم نریندر مودی نے جوناگڑھ مانہ جنگلاتی حیات وستے قومی ریفورل مرکز غو نی پتھر رکھیو اس دوران جناب مودی نے ۶۱ واں ایشائی شیر آبادی جائیزہ ۲ ہزار ۵۲ غو زکر وی کیو تے انسانان تے جنگلی جانوراں بشکار ہون آلا تصادم نال نبڑن خاطر کویم بتور مانہ ایک مرکز غو افتتاح کیو۔ اس میٹنگ تیں پہلاں جناب مودی نے گیر نیشنل پارک مانہ جنگل سفاری ور سفر کیو تے گیر غے اندر سن سدن کیمپس مانہ ہورہی شجرکاری مانہ وی حصو لیو۔

LG ADDRESS

لیفٹیننٹ گورنر منوج سنہا نے کہیو کہ حکومت جموں کشمیر نانہ دوبارہ ریاست بنان غا وعدہ ور قائم ہے تے اس واسطے کم کر رہی ہے۔ آکاشوانی جموں غا نامہ نگار غے مطابق لیفٹیننٹ

گورنر نے یاه گل اچ جموں مانہہ جموں کشمیر اسمبلی غا بجٹ اجلاس غا پہلا تہاڑا مانہہ اپنا خطاب غے دوران کہی۔ انہاں نے کہیو کہ حکومت تمام متعلقہ فریقان تیں گل بات جاری رکھے غی تانجے ریاستی درجو بحال کیو جاسکے لیفٹیننٹ گورنر نے مزید کہیو کہ حکومت کشمیری پنڈتیاں غی واپسی واسطے محفوظ تے سازگار ماحول پیدا کرن واسطے پُر عزم ہے اس تیں علاوہ انہاں نے کہیو کہ حکومت پنچائیتاں تے شہری بلدیاتی اداراں نانہہ مضبوط بنان واسطے وقت ور انتخابات یقینی بنان واسطے کم کر رہی ہے۔

SPEAKER CHAIRMEN

اسمبلی گا سپیکر عبدالرحیم راتھر نے اچ بجٹ اجلاس غے دوران چئیرمین غا پینل غا ناماں غو اعلان کیو۔ سپیکر نے عیدگاہ غا رُکن اسمبلی مُبارک گل کولگام غا رُکن اسمبلی محمد یوسف تاراگامی سانہہ غا رُکن اسمبلی سرچیت سنگھ سلاتھیہ نانہہ نامزد کیو۔ اس تیں پہلاں سپیکر نے ایوان مانہہ لیفٹیننٹ گورنر غو خطاب پیش کیو تانجے اس ور بحث کی جاسکے۔

LA OBITUARIES

جموں کشمیر اسمبلی نے اچ بجٹ اجلاس غے دوران سابق وزیر اعظم ڈاکٹر منموہن سنگھ تے دیگر سابق اراکین پارلیمان تے قانون سازاں نانہہ خراج عقیدت پیش کیو۔ جہیڑا پچھلا اجلاس تیں بعد وفات پا چکا ہیں۔ اس موقع ور سپیکر نے ڈاکٹر منموہن سنگھ غی ملک غی معشیت نانہہ بہتر بنان مانہہ دتی گئی خدمات نانہہ یاد کیو تے انہاں نانہہ ایک عظیم رہنما قرار دتو جن غی خدمات ہمیشہ یاد رکھی جے غی۔ سپیکر نے سابق وزیر سید غلام حسین گیلانی سابق رُکن پارلیمان شمشیر سنگھ منہاس تے سابق رُکن اسمبلی غلام حسن پاریے تے چودھری پیرا سنگھ نانہہ وی خراج عقیدت پیش کیو۔ اس دوران ممبران اسمبلی مُبارک گل، شام لعل شرما، ڈاکٹر نریندر سنگھ غلام احمد میر تے دیگر نے وی ڈاکٹر منموہن سنگھ تے دیگر مرحوم سیاستداناں غی خدمات نانہہ سراہیو تے تمام اراکین غی یاد مانہہ اسمبلی مانہہ ۲ منٹ غی خاموشی وی اختیار کی گئی۔

REASI SHG

گرائیں معشیت غا بارا خاطر ایک بڑو قدم چاتاں مانہہ اپنی مدد آپ گروپ نے ضلع ریاسی غے اندر دودھ غی پیداوار تے دودھ نال تیار ہون آلی دیگر اشیاء خاطر مرکزی معاونت آلی ڈیری ترقیاتی اسکیم غے تحت ۱ مرکز قائم کیو ہے اس قدم غے نال نہ صرف مقامی دودھ غی پیداوار آلا شعبہ نانہہ مضبوطی ملی ہے بلکہ علاقہ غے اندر خواتین غی بالاختیاری خاطر وی یوہ ایک اہم قدم ہے اس پروگرام غی شروعات مقامی اتھارٹی غی زیر نگرانی ہوئی تے سرکار غی مدد نال یوہ پروجیکٹ کامیاب ہوو۔ خود کفیل گروپاں غی خواتین اس سلسلہ مانہہ بہترین کام کر رہی ہیں جس نال اُن گا گنباں غی معاشی حالت بہتر ہو رہی ہے اس سلسلہ مانہہ بولتا وان کنجلی گراں غا سابقہ سرپنچ سکھ دیو سنگھ نے اس طرح کہیو۔

PROPERTIES ATTACHED

جموں کشمیر پولیس نے گزشتہ روز ضلع پونچھ غے اندر ۳ دہشت گرداں غی جائیداد مانہہ ۴۱ کنال ۸ مرلہ زمین وی شامل ہے جس غی مالیت تقریباً ۸۲ لکھ ہے ضبط کی گئی یاہ جائیداد پاکستانی نژاد مقامی دہشت گرداں غی ہے جھپڑا جے قبضہ لکیر غے نیڑے کسبہ تے کیرنی گراں گا رہن آلا تھا تے اتوں نس غے پاکستانی مقبوضہ کشمیر چلے گیا یاہ کاروائی اس مہیم غو حصو ہے جس مانہہ دہشت گرداں غا تعاون نال کی گئی تعمیرات نانہہ توڑنو تے سرحدی دراندازی نانہہ روکنو شامل ہے اس ضمن مانہہ متعلقہ اتھارٹی علاقہ غے اندر دہشت گرداں غی کاروائیاں ور قابو پان تے دہشت گرداں غی طرفوں کی جان آلی مانی معاونت ور شکنجو کس رہی ہے۔

WINTER GAMES

جموں کشمیر انتظامیہ تے جموں کشمیر کھیڈ کونسل وادی کشمیر غا گل مرگ سیاحتی مقام ور ۹ مارچ تیں ۲۱ مارچ تک ۵ ووں کھیلو بھارت سرمائی کھیڈ مقابلان غو انعقاد کرارہی ہے یہ کھیڈ پہلاں ۲۲ فروری نانہہ منعقد کرائی جانی تھیں لیکن مزکورہ علاقہ غے اندر برف کھٹ پین غی وجہ نال یہ کھیڈ ملتوی کردتی گئی تھی۔ اس کھیڈ مانہہ برف ور کئی کھیڈ مقابلہ منعقد کرایا جئیں غا جنمانہہ الپائن سکیننگ نارڈک سکیننگ وغیرہ قابل ذکر ہیں۔ واضح رہ کہ اس کھیڈ مقابلہ گا پہلا مرہلہ غی میزبانی لیہ نے کی تھی جس دوران ۳۲ جنوری تیں ۷۲ جنوری تک باکی تے سکیننگ غا اکنی کھیڈ مقابلہ منعقد کرایا گیا تھا۔

UDHAMPUR FARMERS

ادھمپور غا کسانان نانہہ گزشتہ ۵ مہینا تیں خشک موسم غے پیش نظر حالیہ بارشاں نال کافی راحت ملی ہے ادھمپور مانہہ ستابری غی فصلاں نانہہ بارشاں نانہہ ہون غی وجہ نال کافی نقصان ہو رہیو تھو لیکن حالیہ بارشاں نے کسانان گا چہراں ور کوشی لیان غو کم کیو ہے کسان کافی پر امید ہیں کہ اس بارشاں نال اُن کی فصل نانہہ ہویا نقصان غی بھرپائی ہوجے غی۔ اس ضمن مانہہ پیش ہے ہمارا نمائندہ غی یاہ رپوٹ۔

WEATHER HIGHWAY

جموں کشمیر غا بیشتر علاقان مانہہ اج درمیانہ تے بھاری بارشاں ہوئی جدکہ اونچاں علاقان مانہہ برف باری ہوئی جس نال مقامی زندگی متاثر رہی لیکن بعد دوپہر موسم صاف ہو گیو محکمہ موسمیات نے پیشن گوئی کی ہے کہ اج تیں ۹ مارچ توڑی موسم عام طور ور خشک رے غو۔ تے اس تیں بعد ۰۱ تیں ۳۱ مارچ توڑی جموں کشمیر غا کُجھ علاقان مانہہ بارشاں تے برف باری ہون غا امکان ہیں جموں سرینگر قومی شاہراہ ور سفر کرن آلا مسافراں نانہہ تہاڑی غا وقت مانہہ سفر کرن غی اپیل کی گئی ہے تے رام بن تیں بانہال تک بغیر رُکیاں سفر کرن غو کہیو گیو ہے کیونجے اُن جگہاں ور پسی تے پتھر اُن گو خطرو ہے اس وقت شاہراہ ور مسافر گڈیاں غی دوطرفہ آؤ جائی غو سلسلو جاری ہے لیکن بڑی گڈیاں نانہہ قاضی گُند غا نویگ ٹنل تیں جموں آلے پاسے چلن غی اجازت دتی گئی ہے۔

ANNOUNCEMENT

علاقائی خبراں غا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غا پینل غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی حد 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے وہ ضلع صدر دفتر کٹھوعہ مانہہ یا اس تیں 10 کلو میٹر غادائرہ اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ريجنل نیوز یونٹ آکاشوانی پنچترتھی جموں مانہہ بزات خود آئیندہ 7 مارچ توڑی دینی ویگی۔ اس بارے مزید جانکاری ویب ور دستیاب ہے۔ www.newsonair.gov.in سائیٹ
